

CONVENIO DE COLABORACIÓN ENTRE O INSTITUTO GALEGO DA VIVENDA E SOLO (IGVS) E A ASOCIACIÓN DE EMPRESARIOS DE MATERIALES PARA A CONSTRUCCIÓN (ASEMACO) PARA A DIVULGACIÓN DAS AXUDAS EN MATERIA DE VIVENDA EN GALICIA E DO FINANCIAMENTO CO SISTEMA CREDIASEMACO

En Santiago de Compostela, a 16 de xuño de 2014

R E U N I O D O S

Dunha parte, D. Agustín Hernández Fernández de Rojas, Presidente do Instituto Galego da Vivenda e Solo, en virtude da atribución que lle confiren os Decretos 317/ 2009 do 4 de xuño polo que se establece a estrutura orgánica do Instituto Galego da Vivenda e Solo (IGVS) e o Decreto 229/2012, do 2 de decembro de nomeamento dos titulares dos departamentos da Xunta.

Doutra parte, D. Bernardino Comesaña Goberna, con DNI 35.858.768 C, Presidente de ASEMACO, segundo acordo establecido en Asemblea Ordinaria e como figura nos estatutos da Asociación de Empresarios de Materiales para la Construcción, ASEMACO, e no arquivo da Dirección Xeral de Relacións Laborais da Consellería de Traballo da Xunta de Galicia co número de depósito 72-642-1999 de data 26 de xaneiro de 2000.

As partes, recoñécense no concepto no que respectivamente interveñen, capacidade para o outorgamento do presente convenio e, para o efecto,

E X P O Ñ E N

PRIMEIRO.- Ao IGVS, segundo o establecido no artigo 3 da Lei 3/1988, do 27 de abril de creación do Instituto Galego da Vivenda e Solo, corresponde a realización da política de solo e vivenda da Xunta de Galicia, polo que está interesado en apoiar todas aquelas iniciativas de carácter público ou privado que contribúan a incentivar o sector.

SEGUNDO.- ASEMACO é unha asociación integrada por empresas do sector de comercio de materiais de construcción e saneamento, áinda que tamén teñen cabida

empresas de sectores moi afins do comercio da construcción en xeral: fabricantes e distribuidores de prefabricados de formigón, plantas de formigón, fábricas de cerámica, derivados do cemento, empresas de granito, alugadores de maquinaria, etc.

O seu ámbito de actuación é Galicia e os seus fins asociativos son a xestión, defensa e coordinación dos intereses comúns das empresas asociadas integradas na mesma.

TERCEIRO.- Entre os servizos que presta ASEMACO, está o sistema Crediasemaco, produto da colaboración coa entidade financeira Novagalicia Banco, consistente nun sistema de financiamento das ventas das empresas asociadas aos seus clientes.

CUARTO.- Como complemento ao servizo citado e coa finalidade de incentivar o mercado da rehabilitación, que ten unha incidencia clara no sector no que opera ASEMACO, a asociación está interesada en difundir as axudas que existen neste ámbito e que supoñen un incentivo para acometer estas actuacións e, para iso, amosa a súa vontade de colaborar co IGVS na divulgación das axudas xestionadas polo organismo.

QUINTO.- As partes asinaron un convenio de colaboración no ano 2012 e o 3 de maio de 2013 e están interesados en seguir colaborando, contribuíndo, por parte do IGVS, á difusión do sistema Crediasemaco, por entender que supón un mecanismo de incentivación da rehabilitación na nosa comunidade autónoma.

Por todo o exposto, e co obxectivo de coordinar as actuacións nos obxectivos previstos, as partes asinantes acordan formalizar o presente convenio de colaboración con suxección ás seguintes,

CLÁUSULAS

PRIMEIRA.- O presente convenio ten como obxectivo establecer as pautas de colaboración entre as partes para a promoción do sistema Crediasemaco, por entender que se trata dun sistema que incide favorablemente na potenciación da realización das actuacións de rehabilitación na Comunidade Autónoma.

SEGUNDA.- ASEMACO mencionará expresamente a colaboración do IGVS na divulgación e publicidade do sistema Crediasemaco nos seus centros e nas campañas publicitarias que realice a través de calquera medio de comunicación e, como complemento ao citado servizo, facilitará nas dependencias dos seus asociados, información sobre as axudas en materia de rehabilitación xestionadas polo IGVS.

TERCEIRA.- O IGVS colaborará con ASEMACO na divulgación e publicidade do sistema Crediasemaco nos medios de comunicación, prensa e radio a nivel autonómico, sen que esta colaboración implique ningún tipo de responsabilidade para o IGVS derivada directa ou indirectamente do funcionamento do sistema crediasemaco e proporcionará a ASEMACO a información das liñas de axudas á rehabilitación que xestiona.

CUARTA.- O IGVS pagará a ASEMACO a cantidad de doce mil euros (12.000,00 €), impostos incluídos, con cargo á aplicación orzamentaria 07.81.451C.640.0 prevista nos orzamentos do IGVS para o ano 2014, para compensalo polos gastos que á asociación lle supoña a publicidade sinalada na cláusula anterior e cuxo orzamento se sinala como anexo a este convenio.

O pago realizarase contra presentación da xustificación dos gastos efectivamente realizados para cumplir cos compromisos asumidos nas cláusulas segunda e terceira do presente convenio.

O importe da achega en ningún caso poderá ser de tal contía que, illada ou en concorrencia con outras, supere o custo da actividade.

QUINTA- Para o seguimento e control do cumprimento do presente convenio constituirase unha comisión integrada por un representante de cada unha das partes asinantes.

SEXTA.- O presente convenio estenderá a súa vixencia dende a súa sinatura ata o 30 de decembro de 2014, podendo prorrogarse, mediante acordo expreso das partes,

sempre que a súa prórroga se adopte con anterioridade ao remate do seu prazo de duración.

SÉTIMA.- Son cláusulas de resolución do presente convenio:

- 1.- O seu incumprimento total ou parcial.
- 2.- O transcurso do tempo estipulado sen que se cumpran os obxectivos previstos, agás causa debidamente xustificada.
- 3.- O mutuo acordo.

OITAVA.- Ao presente convenio non lle será de aplicación a lexislación de Contratos do sector público, conforme ó disposto no artigo 4.1.d) do Real Decreto lexislativo 3/2011, do 14 de novembro, polo que se aproba o texto refundido da Lei de Contratos do Sector Público, e no apartado 2 do mesmo, sen prexuízo da aplicación supletoria dos principios da Lei para resolver as dúvidas ou lagoas que se puiden presentar.

Dada a natureza xurídico pública do presente convenio as controversias que puidesen xurdir na aplicación do convenio serán resoltas pola xurisdición contencioso administrativa.

En proba de conformidade, asínase o presente convenio, en cuadriplicado exemplar, no lugar e data antes citados.

POLO IGVS



Agustín Hernández Fernández de Rojas

POR ASEMACO

Bernardino Comesaña Goberna



ANEXO

ACCIÓN	Nº	PROVINCIAS	IMPORTE
Campaña de spot en TVG	30	Coruña, Ourense Pontevedra	Lugo, e 6.000,00
Impresión de dípticos displays -expositores	30.00 0 300	Todas as empresas asociadas e público en xeral	1.500,00 2.000,00
Publicidade en medios escritos	20	Toda Galicia	10.000,00
Emisión de cuñas de radio	200	Circuíto rexional	5.000,00
			24.500,00 €


